

KOVID-19 thika ókkol – Girós ókkol adde gura harbar ókkol ólla ham or sehét adde sólámotir maalamat

Thika mara adde WHS zimma ókkol

Ham or Sehét adde Sólámoti mesáli kanun ókkol ór tole, tuñár hammwa ókkol, tuñúr nizor adde ham or zagat asé oinnozon ór sólámoti ré tuñáttu yekini bana foribó maakuli báfe zeddúr manar laikká. Ham ot hammwa ókkol KOVID-19 ór sámna óibar hótóra ré tuñúi furafuri homaibár kabel noítfaro. Bahárrhal, hótóra ré homaibólla zimmadari hísáfe tuñúi zeddúr faro beggún gorá foribó.

Ham or zagat hótóra ókkol óre homaibólla, tuñáttu:

- hótárar andaza laga foribó
- rukóoni gorár todbir ókkol etebar gorá foribó ar hótóra ókkol óre entezam goríte hítára keéngorí modot goribó dé, zeén neki jisími duur, bálá sófáyi adde nitti sáfgorá - hédhilla zehonó asédé thika ókkol
- hammwa ókkol adde sehét ar sólámotir nomaenda ókkol (HSRs) loi mocwara gorá foribó KOVID-19 adde rukóoni todbir ókkol, zeçé thiká yó cáamel
- tuñár ham or zagat fura góribólla maakuli báfe manar laikká todbir ókkol ki mutain gorá foribó

Añár ham or sehét adde sólámotir zimma fura goribólla laazemi thika mara ré añárttú rukóoni todbir hísáfe cáamel gorá foribó né?

Ham or sehét adde sólámotir kanun or tole thika marar corót lagoon gán maakuli báfe héddúr manar laikká noó.

Tuñár hammwa ókkol óttu thika mara foribó hói tuñáttu zoruri saáforibó né hóde hotá yaán tuñár hótórar andaza lagar thaim or hálabostár uore darmudar. Tuñár hammwa ókkol óttu hámahá thika mara foribó hóibólla sailé tuñúi mowara loo, ar ham or zagat tallukat, forók nogorá adde húsúsiyoti mosóla ókkol ór babote báfisoó.

Baáz harhána ókkol yá hammwa ókkol ólla thika mara ré zoruri banai derdde [umumi sehéti hókum ókkol](#) tákitfare. Tuñár sehét ejensir taza mocwara ókkol hámicá loirakó.

Gaák ókkol añár ham or zagat gólár age thika maijjé dé hían or sóbut añái hítára attú tuwai fariyúm né?

Thika mara sóbut ókkol gaán ókkol adde beroiya ókkol óttu fusár goróon ham or sehét ar sólámotir kanun e cáayod tuñáttu tokaza nogorér. Hé kisím ór corót ókkol lagar age, mocwara soó, óitfare héçe húsúsiyot adde forók nogorár mosóla ókkol tákitfare.

Oinno ekzon hammwa thika noómare dé hétolla añár hammwa ye ham gorár inkar gorífaribó né?

WHS kanun ókkol ór tole, ekzon hammwa ye ham gorá cúçí yá inkar gorífaribó, zodi sehét adde sólámoti mutalleg héhon yáto fore mosibot or sámna óibár boró hotórar maakul wojá hítára attú asé dé óile.

Beec híssa hálat ókkol ót, oinno hammwa ye thika noómare de hían ólla ekzon hammwa ye aásánir sáñte ham cúçi dibollá boli ham or sehét adde sólámotir kanun ókkol ór uore bórúsa gorí nofaré.

Ham or sehét adde sólámotir kanun ókkol ór tole añái zimmdar boniyúm né, zodi añár hammwa ókkol óre añái thika noó marai ar héçe kiyóttu KOVID-19 óiye dé óile?

Tuñúi ham or sehét adde sólámotir kanun ókkol óre bánggyo huwá nozaibó, seróf tuñúi hammwa ókkol é thika maribólla noósoódé hían ólla boli hói.

Tuñár ham or zagat maakuli báfe manar laikká rukóoni todbir ókkol beggún óre fura gorá tuñár jari raká foribó, mesál jisími duuri, balá sófáyi adde nitti sófgorá ar morámot gorá, zodiyó hammwa ókkol thika maijja óuk.

Aró maalumat

- [Sehét adde thika ókkol ór maalumat – Sehét Dhipármén](#)
- [Ham or sehét adde sólámoti – Safe Work Australia](#)
- [Ham or zagar hók ókkol – Fair Work Ombudsman](#)